

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 3054 del 18/10/2025**

**Manà fora su Trentino Tv l program l vegn endrezà dal Comun General de Fascia**

## **“Pedies” : en sabeda ai 18 de otober vegn fora la puntata #508 del program ladin per la televizion**

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 508. I argomenc che vegn portà dant te la puntata de chesta setemèna l é:

**En domenica ai 12 de otober l é stat fat festa per i 500 egn de la geja da Ciampedel, la pruma geja fata su do da la Pieif de Sèn Jan, per ge dèr l met a la jent de la val de sora de aer na geja più apede.**

**L servije, apede, l met dant ence n aprofondiment storich cutlurèl coi enrescidores de storia locala Raffaele Rizzi, Gabriele Valentini e Christian Bernard.**

**L Lions club de Fascia e Fiem à endrezà a Sèn Jan na scontrèda dal titol “Joegn e situazions scherpentes” na sera de informazion per na comunanza che chier responetes e che vel didèr. N moment de confront, na meisa torona anter esperc, istituzions e la popolazion per ge dèr ousc a n dejèje da spes sconet.**

**L é scomenzà enstadì la 5a edizion de Antropolad, l cors de auta formazion che se ouc soraldut ai dozenc de la Scola Ladina de Fascia per na maor cognoscenza del raion ladin anter antropologia e lengaz, apede ence soziolinguistica, storia, letradura e didatica; te vigni edizion l é ence corsc con neves aprofondimenc.**

I reports de chesta setemèna i é stac enjigné e porté dant da Angela Pederiva e Riccardo Zanoner.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenica da les 13.30 (mesa la does domesdi) e de lunesc da les 11.30 (mesa les doudesc) e sun AltoAdige TV – canal 11 de BZ - vigni domenica da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina.

<https://www.facebook.com/TelevijionLadina>

**Traduzion di Servijes Linguistics e Culturèl del Comun general de Fascia**

(cdt)